

уктдж

Багъчудин бригадин үлгүр

Сарпинск района „Степновский“ совхозин 2-ч фермд багъчудин тракторн бригад бүрдэгдсн көллджәнә. Эн бригад 600 гектар тәрмр өвс—суданк хәдад, силос булджана. Комбайнермуд Манджураков Түрвә, Манджиев Нимгр, Хамуров Борис, Черноиванов Иван социалистическ дөрлдә кегәд, Алдр Октябрьск революцин 40-ч джилә өөниг сән үзмджтә көдлмшәр тосхин төлә гүдждж көдлдж бәәцхәнә.

Эдн өдриннь зурагъан давулдж күцәцхәнә—өдртән 10 гектар хадхин орчд 12—15 гектар күргдж хадцхана. Эднә шундж көдлджәхнь—өрүн ик эртәс авн теegt шуугсн машини аәггәр медгднә. Асхинднь нарна гегән тасрад, харнъгъурсн цаг күртл комбайна болн тракторин көдлсн ань сонъсгдна.—Эн машинд Мацаков Бембин бригадин,—гидж әмти урдаснь меддж келцхәнә. Эн бригадт ончта сәәнәр көлджәхнь Сохоров Сандж, Доржиев Григорий. Эн хойр „С-80“ тракторар өдрин зурагъан 150—160 процент күцәцхәнә.

Багъчудин бригад омгтагъар шунмгъагъар көдлджәхнь кенчигн күүнд медгднә. Ханцан тохацагъан шамлчксн, багъчуд, ик гидг омгтагъар мана өмн шивә уга гисн бәәдлтәггәр, омгшдж көдлджәхнь үзгднә. Бригадиг толгъалджах коммунист Мацаков Бемб эн көвүдлә Сибирт хамдан көдлдж йовлав, ода эврәннь төрски газртан ирчкәд, нег үлү күчтәггәр көдләд, Алдр Октябрин 40 джилә өөниг туургсн диилвртәггәр тоснавди—гидж келнә.

Т. ЭРДНИЕВ.